

Penurunan cukai 2% yang bergaji RM10,001 - RM50,000

UM 20 OCT 2001

KUALA LUMPUR 19 Okt. Golongan berpendapatan RM10,001 hingga RM50,000 setahun bakal menikmati penurunan kadar potongan cukai pendapatan sebanyak dua peratus berkuat kuasa 1 Januari tahun depan.

Ini bermakna, golongan berpendapatan yang julatnya antara RM10,000 hingga RM20,000 serta RM20,001 hingga RM35,000 setahun, masing-masing akan menerima potongan cukai sebanyak tiga dan tujuh peratus. tahun depan berbanding lima dan sembilan peratus tahun ini.

Jurucakap Lembaga Hasil Dalam Negeri (LHDN) berkata, bagi yang berpendapatan antara RM35,001 hingga RM50,000 pula, mereka akan

menerima potongan sebanyak 13 peratus tahun depan berbanding 15 peratus tahun ini.

Menurutnya, bagi golongan berpendapatan RM50,001 hingga RM250,000 setahun, mereka akan menikmati penurunan potongan sebanyak satu peratus.

"Bagi julat pendapatan antara RM50,001 hingga RM70,000 setahun, mereka dikenakan potongan sebanyak 19 peratus tahun depan.

"Pada tahun ini, mereka dikenakan potongan sebanyak 20 peratus," katanya kepada *Utusan* ketika dihubungi di sini hari ini.

Beliau mengulas pengumuman Belanjawan 2002 yang diumumkan oleh Perdana Menteri, Datuk Seri Dr. Mahathir Mohamad di Dewan Rakyat hari ini.

Ketika mengumumkan belanjawan tersebut, Dr. Mahathir yang juga Menteri Kewangan berkata, cukai pendapatan individu diturunkan sebanyak satu peratus.

Jurucakap itu seterusnya berkata, golongan berpendapatan RM70,001 hingga RM100,000 setahun, potongan cukai pendapatan juga diturunkan satu peratus.

Dengan penurunan itu, katanya, golongan tersebut dikenakan potongan cukai sebanyak 24 peratus berbanding 25 peratus tahun ini.

"Bagi yang pendapatannya melebihi RM250,000 setahun, potongan cukainya sebanyak 28 peratus," katanya.

Bagaimanapun, jurucakap itu menjelaskan, golongan berpendapa-

tan antara RM1,000 hingga RM2,500 setahun kekal tidak dikenakan potongan.

Tambahnya, bagi yang berpendapatan antara RM2,501 hingga RM5,000, dikenakan potongan sebanyak satu peratus.

"Mereka yang berpendapatan antara RM5,001 hingga RM10,000 setahun dikenakan potongan cukai sebanyak tiga peratus seperti tahun ini dan sebelumnya," jelasnya.

Jurucakap itu menjelaskan, semua penurunan potongan itu dikenakan kepada penduduk negara ini sama ada yang bermastautin atau sebaliknya.

"Mereka yang tinggal lebih daripada 182 hari di Malaysia dianggap sebagai pemastautin," jelasnya.